

## Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||  
Jesv Theologi.|| De || Christiani hominis || Perfectione In  
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

**Puente, Luis de la**

**Coloniæ Agrippinæ, 1625**

Cap. XVI. Opera Liberalitatis & Misericordiæ, quibus Reipub. perfectio  
conseruatur: & eadem extendenda esse ad egenos, peregrinos, &  
aduenas.

**urn:nbn:de:hbz:466:1-39637**

mortuus est; nec proprium reputes emolumenntum, quod in tantum cedit detrimentum alterius. Ex his colligit S. Thomas: Religiosos, qui paupertatem sunt professi & omnia pro Christo reliquerunt, debere, ad suam perfectio nem assequendam, lites omnes fugere, nihil proprii sibi querendo: quamvis eidem & quae liceat ac saecularibus, bona Religionis communia etiam per litem conseruare, quando id alia via facere non possunt. Quibus addit S. Gregorius: quando necessitas nos obligat rerum temporalium curam habere, quas alii sibi usurpare tentant, interdum expedire, id tolerare; aliquando tamen melius esse id impedire, charitate seruata: ne rapaces non sua, semetipsos perdat, eum in modum quo quis etiam vi proximam culpam occasionem remouet ei, qui non vult sponte ab ea abstinere: ut sic posit veram agere penitentiam.

In multis praeterea casibus tenetur quis litigare, quando hoc medium est ad propria bona fortunae, & filiorum defendenda necessarium, sine quibus non potest familiam suam cum debita proprio statu suo decentia sustentare, quamvis seruandæ tunc sint conditiones, quæ litem iustificant, puritas scilicet intentionis, moderatione cupiditatis, iuxta illud Apostoli: *c omnia mihi licem, sed ego sub nullius redigar potestate,* loquens enim de se, idem alijs suadet, ne icilicet quis seruus fiat aut mancipium rerum suarum temporalium, nec ipsius litis, qua illas tuetur; sed in ea gerat se absque animi perturbatione, cu libertate spiritus, pacifice, absq; iniuria & fraude, nulla data culpabili occasione iræ aut turbationis, quæ proximo sit scandalo: ac deniq; quando aliter fieri non potest, eò quod alter cogat nos aut litem illi intentare; aut nos defendere ab ea, quam ipse in nos mouet: semper tamen memores sententiae illius Apostoli: *d ierum Domini nō oportet luigare, sed mansuetum esse ad omnes,* & non luigiosum, & alibi ait: *f si quis videtur contentiosus esse nos talēm consuetudinem non habemus, neque Ecclesia Dei: quæ tanquam colum naest, pacis & cordia amica, & fundata in spiritu unionis cum suo sponso.*

## C A P V T XVI.

**OPERA LIBERALITATIS ET MISERICORDIAE, QVIBVS  
Reipublica perfectio conservatur. & eadem extendenda es-  
ad egenos, peregrinos & adueniens.**

D integrum Reipublicæ perfectionem nō satis est, quod cives sibi inuicem *Institutione opera præstent*, vt hactenus indicauimus, sed (vt initio huius Tractatus insinuauimus) necesse etiam est, *gratia opera exercere*, quæ aduabat illis virtutibus, liberalitate & misericordia, (quæ sunt fideles charitatis & humanae amicitiae comites) proce-

T o. n. 2.

R I

d i n t.

Cap. 2.

Religiosos  
non luiget  
profe.

Refor. S.  
Tho. supra.

Resistere a-  
liquando  
xpedit ne  
alter peccet,  
et ad sta-  
tum conser-  
vandum ce-  
netur.

c 1. Cor. 6. 12

Conditiones  
in lite ser-  
vande.

d 1. Thim. 2

24.

c 1. Tim. 3 3

f 1. Cor. 18.

16.

Mutua di-  
lēctio.

a Gal. 6.2.

b Prou. 18.1.  
c 1. Ioann. 3.  
13.Dial. 1. de  
leg.Cicer. verbi  
li. 2. de offi-

d Luc. 12.35.

Misericor-  
dia est Ius-  
cerna.In Dicata sa-  
lutis 116. 7.

cap. 4.

c Apoc. 1.13.

7. opera

Misericord.

f 3. Reg. o.

32.

g Luc. 12.12.

dunt; & occupantur in benefaciendo omnibus, quos ut amicos habent nam eos visitant, ad conuiuia inuitant, hospitio excipiunt, mutuum, cum indigent, illis dant, aut etiam gratis, solatio illis & consolationi sunt, subsidium ac remedium in omnibus necessitatibus, meliori quo possunt modo, eisdem praebent, & a alter alterius onerarportant, ut sic (quod Apostolus dixit) Christi legem, quæ charitas est, adimplant: quæ facit, ut amantium se omnia sint ita communia, ut quisque, quod sibi deest, habeat in altero; & quisque possit omnia; quia omnes iuvant vnumquemque: propterea enim Salomon dixit: b frater, qui adiuuatur a fratre, quasi ciuitas firma, & quod sunt neru in corpore, id est in ciuitate vera amicitia: qua comites se in uicem diligunt, ut sanctus Ioannes dixit non verbo, aut lingua; sed opere, & veritate.

E t quoniam multi in ipsa Republica sunt pauperes, amictu & vestitu indigentes; multi infirmi, ac debiles; acceduntque ad eandem ob varias occasiones aduenæ, ac peregrini: necesse est florere in ea charitatem cum liberalitate & misericordia adeò perfecta, ut se ad omnes extendat; & quo poterit meliori modo, eorum necessitatibus subueniat. Vnde Plato Republicæ quam constituebat, hospitalitatis virtutem valde commendauit: Et Cicero dixit: benignitatem Reip. in primis necessariam esse, ut captivi redimantur, & subueniantur indigentibus, & vniuersaliter ciuiis, si diues ac potens sit, debet suæ Reip. honori consulere, reparando quantum licet, necessitates, quibus alij premuntur: d. sint (ait Christus D.) lumbi vestri preuenit: superfluos sumptus & non necessarios refecando, ut in manib[us] suis non vna sed plures sint ardentes lucerne operum sanctoru[m]. In altera manu sint istitia opera; in altera verò misericordia. Aptè verò h[ab]et opera lucerne appellantur, quæ se ipsas consumendo, lumen alijs praebent: ut intelligas, te ex ijs, quæ habes, debere aliquid auferre, tibi que subtrahere: ut his operibus splendere possis. Debes (ait S. Bonaventura) similis esse e filio hominis, quem sanctus Ioannes vidit in medio septem candelabrorum aureorum, habentem in dextera sua stellas septem. Sic, inquam, decet te circundari septem operibus misericordie corporalibus; & alijs septem, spiritualibus: ut cum omnibus splendas & luceas ad utilitatem omnium; & nominatim egenorum: persuadens tibi, haec duo operum genera esse sicut f[ac]tio ostia de lignis olivarum, per quæ aditus patet ad sancta sanctorum glorie cœlestis. Amplectendum quoq[ue] tibi est confilium illud, quod Salvator noster dedit cuidam, ipsum inuitant: Cum f[ac]cis (inquit) prandium aut cenam, noli (quod in mundo in more positum est) solum vocare amicos tuos, fratres, cognatos, & vicinos diuites: ne forte & ipsi tere inuitent, & fiat tibi retributio. Sed voca pauperes, debiles, claudos, & cacos, & beatos: quia non habent retribuere tibi: retribuetur enim tibi in resurrectione ius orum. Eodem præmodo non solum hospitio excipies tibi notos, ac diuites per

III CI-

civitatem transeuntes, qui etiam te excipient, cum ad illorum civitatē perueniris: sed etiam excipe pauperes, peregrinos, & aduenas tibi ignotos, qui non possunt tibi retribuere: sic enim (ait S. Ambrosius) ostendis, te hæc operanō temporalis alicuius *cupiditate* lucrificare; sed *spē ēterni p̄mij:* vt te Deus cælesti excipiat hospitio, iuxta illud S. August: *hā dectum, & accipe calum.* Quamuis putior sit finis & intentio, si eadem opera præstes, ut ipsi Deo in suis pauperibus honorem exhibeas; & amore ipsiusmet virtutis; & ad charitatem & amicitiam erga omnes, etiam ignotos ostendēdam. Ac propterea magni semper estimata fuit hospitalitas inter Patres antiquos, & priuatos Christianos, qui peregrinos eadē humanitatē & charitate excipiebant, at q; proprios amicos & notos. Et hoc ait Tertull. fuisse unum ex indicijs ac signis, quo veri discipuli Christi agnoscebantur. Quia de re optimè Apostolus Hebreos exhorratur, dicens: *h̄ charitas fraternitatis maneat in vobis:* & hospitalitatem nolue obliuisceret hanc enim latuerunt quidam Angelis hospitio recipi. Memen: ote viatorum tanquam simul vincti: & laborantium, tanquam & ipsi in corpore morantes, & laboribus calamitatibusq; subiecti. Ac denique ita hæc opera erga alios præstantes, atque velletis erga vos ab alijs præstari & exerceri: siquidem eisdem miserijs, quibus alij, subiecti estis.

§. I. Hæc opera liberalitatis exemplis ab Apostolo insinuatis confirmantur.

**M**ODVM & rationem hæc opera cum excellentia præstandi, possemus explicare ex iis, quæ fecit venerabilis Booz erga Ruth pauprem & aduenam, nisi ea de re actum fusius esset in primo Tomo. Sed multocommodius hoc ipsum declarabitur illustribus exemplis ab Apostolo insinuatis eorum, qui Angelos hospitio receperunt, existimantes esse homines; & exercentes erga eos hospitalitatem, & reliqua misericordia opera, quæ illam comitantur, sicut erga alios faciebant. Ita Job dicebat: *i foris non mansit peregrinus, ostium meum viatori patuit.* Primus horum fuit Patriarcha Abraham, de quo refert Scriptura sacra, quod, cum federet in ostio tabernaculi sui, in ipso feniore dier, & elevasset oculos, apparuerunt ei tres viri stantes prope eum: quos cum vidisset, currit in occursum eorum de ostio tabernaculi, & adorauit in terram. Et dixit: *Domine, si inueni gratiam in oculis tuis, ne transeat seruum tuum:* Sed afferam paucillum aqua, & lauate pedes vestros, & requiescite sub arbore. Ponamque bucellam panis, & confortate cor vestrum, postea transibitis; idcirco enim declinasti ad seruum vestrum. Qui dixerunt: *fac, ut locutus es.* Festinauit Abraham in tabernaculum ad Sararam, dixitque ei: *accelera, tria sata simile, commisce & fac subcinerios panes.* ipse vero ad armenium cucurrit & tulit inde vitulum tenerimum, & optimum, deditq; puero:

Rr 2

Lib. 7. in  
Luta c. 14.Refert S. Bo-  
nan. supra.  
Hospitalita-  
tis encomiū.  
Iean. ep. 3. 5Li. de preſt.  
cop. 40.  
h Heb. 13. 1.

Tract. 3. c. 2.

Hospitales  
Angeli in-  
nisiere.i Job. 31. 7. 2.  
Abraham.

1.  
In inferuore  
dies expa-  
dit.  
Est. 1. de A-  
braham. c. 5.

2.  
Vide ibid.  
Pererium.  
Occurrit  
aduentan-  
tibus.

¶ Mat. 25. 35

Heb. 13. 2.

3.  
Ip/emet pa-  
des lassit.  
Iean. 13. 4-6

Licet ali-  
quando a-  
lijs permis-  
tore.

Ius festinansit & coxit illum. Talius quoque butyrum, & lac, & vitulum, quem co-  
xerat: & posuit coram eis: ipse vero stebat iuxta eos sub arbore. Quis obsecro,  
sancti huius viri feruorem in hoc opere non demiretur? Non vacat autem  
mysterio, quod scriptura, hoc in feruore diei contigisse narrat: vt ita illius er-  
ga alios, quamvis peregrinos & ignotos, charitatem hospitalitatemque  
commendaret. Eo scilicet tempore ante ostium tabernaculi manebat, ac ca-  
teris dormientibus ipse (vt S. Ambros. ait) non requiescebat; sed fortis respi-  
ciebat, nū quis peregrinus aduentarer, quā domo & mensa exciperet: illius  
enim delitiæ erant, alios hospicio excipere, & benevolentia ac benignitatē  
illis ostendere. Talis autem hospitalitas sit oportet, (subiungit idem S.) vt  
præsto sit ad hospites recipiendos, obuiā procedat venientibus, ad vias re-  
spiciat, per quas venire consueuere; venire detrectantibus occurrat, & quali  
cogat, ac ad diuersorum compellat. Hinc Abraham peregrinos videns non  
expectabat, donec ipsi aduenirent, acciuerenti copiā sibi fieri peterent; sed  
magna cum benignitate & celeritate properabat ad locū ubi erant, summa-  
que animi demissione & reuerentia pēdibus illorū aduolutus adorauit, hoc  
est, eosdem exosculatus est, (hoc enim adorandi verbo significatur) magna  
humilitate supplicans, vt quod illis parabat obsequium, & quo animo admis-  
terent. Iustorum enim proprium est, ipsa opera, quae agū intentione extol-  
lere, eisq; maiorem valorem addere: in creaturis *creatorem*, quae illius ima-  
ginem habent, in ciuibus *Deum*, in pauperibus *Christum* intuendo; atq; hoc  
animo humiliant se, & peregrinos reuerentur, Domini, quem illi repræsen-  
tant, maiestatem in eis agnoscentes: cūm ipse in Euangelio dixerit: k Hoffe  
eram, & collegisti me: quod hoc in casu euidenter apparuit, cūm in forma pe-  
regrinorum iphi apparuerint Angeli, placente Domino (vt Apostolus ait) illa  
hospitalitate, quam ipsis ostendebat, sibi persuadēs, veros esse homines. Hinc  
etiam ottum habuit, aliud Charitatis opus, quod sanctus hic Patriarcha o-  
stendit: cūm enim domi plurimos seruos haberet, non illis opus hoc crede-  
re; sed suis ipse manibus peragere voluit, affera (inquit pauxillum aqua, &  
lunare pedes vestros, ponamq; buccellam panis: ita enim se humaniorem & beni-  
gniorem exhibuit. Quemadmodum & Christus Dominus, quamuis tam  
maiestatis foret, non est dignatus (vt ponderat S. Ioannes) uestes depone-  
re, linteo se præcngere, aquam in peluum mittere, & eadem discipulorum pe-  
des lanare: hoc charitatis & humanitatis exemplo docens, quid erga sub-  
ditos, Superiores; & inter se subditū agere debeant. At si boni patres  
familias in huiusmodi rebus interdum filiorum & famulorum operar-  
tantur; id faciunt, tum, vt opus citius perficiatur; tum, vt milericor-  
diae participes fiant, & erga illam afficiantur. Propterea etiam Abraham  
Sa & vxori iniunxit, vt peregrinis panem coqueret: & famulo, vt vitulum

parat. Quin etiam vltius illius charitas procehit: nam in verbis quidem breuis; sed in operibus amplius fuit: pauca pollicitus est, sed plurima dedit, dixit allaturum se bucellam panis: multos tamen afferri panes mandauit: non è vulgari paratos farina, sed ex simila, hoc est: è farina flore selectissimo: idipsum & de grege fecit: è quo tenerrimum & optimum vitulum se legit: neque famulis hoc creditit, qui in usum aliorum deteriora feligere solent. Protulit etiam lac & butyrum, vt ex otanibus quæ habebat, conuiuum peregrinis institueret. Illud verò adhuc magis admirandum, quod mensa cùm illis non assederit: sed famuli ministrantis instar steterit: ad obsequium promptus, & ad necessaria afferenda paratissimus. Atq; hoc pacto perfectæ charitatis & humanitatis propria munia ostendit: dum plura præstat, quā sponderet; & optima quæque elargitur; & amicis cum gaudio seruit, illius Domini exemplo, qui discipulis suis ait: *ego in medio vestrum sum, scilicet qui ministrat.* Verū & aliud quid in hoc Abrahæ factō perpendendum: nam quamvis concedamus (vt Doctores nonnulli notant) maiorem illum reverentiam exhibuisse, illiē tribus, qui apparuerunt, qui cæteris major videbatur; opera tamen charitatis æqualiter singulis obtulit: quia obtulit se ad pedes lauandos; mensam quoque omnibus æqualiter apposuit: Perfecta enim charitas quamvis inter hunc & illum discriben constituat: omnes tamen admittit, & omnibus sua distribuit: tamque libenter paruo & despecto, quā magno & honorato pedes abluit: & tam beneuole mensam minori, quā maiori sternit: si omnes illius benevolentia indigeant.

VERVM prætereundum non est, quod scriptura refert, vt S. Ambrosius notat, Saram scilicet interea in tabernaculo delitusse; necessaria hospitibus præparando; nec foras in illorum conspectum prodijisse. Matronæ quippe honestæ, quamvis erga mulieres comes se & benignas ostenderet debeat, (vt viros erga viros agere oportere diximus) erga viros tamen præsterrim peregrinos, & ignotos tantam eas familiaritem præferre non decet: sed latius fuerit, eas domi intra domesticos parietes se continent, ea curare; quæ necessaria sunt, vt mariti ritè, debiteque, quæ facienda sunt, exequantur.

HÆC fuit Charitas & humanitas Abrahæ, qua dignum se effecit, cui Deus appareret: quemadmodum Christus D. ijs, à quibus velut viator & peregrinus in Eruis exceptus fuit. Quin etiam mox hanc illi charitatem est remuneratus: benignum se vicissim erga illum ostendens, filiumque promittens, qui summō vniuersæ familiæ gaudio esset, vt hinc Domini & cœles omnes intelligent: si ipsi erga proximos charitatem & humanitatem tum verbis, tum etiam re ipsa ostenderint, Deum etiam multo benigniorum erga ipsos futurum.

4.  
Plara dedit  
quam pro-  
misera.

5.  
trans mini-  
strato.

Luc. 22. 27.

Vide Perer.

6.  
Omnibus a  
qualiter  
seruit.

ibis supra  
Sara mode  
lia.

Luc. 34. 29.

Meres ho-  
spitalitatis  
magna.

*Loth.*  
*Gen. 19.1.*

*Cogendi  
pauperes.*

*Misericordia  
fructus.*

*Mat. 5.7.*

*Li. 14. de ci-  
uitate c. 28.  
Dua ciui-  
ates con-  
trarie.*

*a. I. 10. 2. 6.*

*b Mat. 13. 47  
c ver. 25.*

*p cap. 25. 34.*

SIMILIS etiam fuit Charitas Loth, nec minori etiam mercede compensata. Duo enim illorum Angelorum eadem vespera Sodomam etiam viatorum forma venire, sedebat tunc Loth in foribus ciuitatis expectans, num quis peregrinus eminus appareret, quem in domum suam deduceret. hosti taque cum vidisset, surrexit, exiit obuiam eis, adorauitque prius in terra, dicens: obsecro Domini declinate in domum pueri vestri: Et manete tibi lauare pedes vestros, Et mane proficiscemini in viam vestram; cum vero illi respondissent in platea se manere velle: Loth compulit, illos oppido, ut quā citissime ad zedes suas diuerterent: ut euidens, si foris manere contingeret, discrimen declinarent. Quibus annuentibus, lautam cœnam instruxit, & quibus potuit officijs delinire contendit. in quo charitatis suæ seruorem indicauit: quæ dum perfecta fuerit, non modò Eleemosynam erogat, sed etiam ultro rogat; nec modò rogat, verum etiam pauperem & peregrinum renuentem accipere compellit; præsertim ubi illius, nisi acceperit, periculum ac damnum prauideret. Hac ille se charitate dignum reddidit quem Deus è Sodomito eduxerit incendio: Angelis hospitalitatem hanc, eodem charitatis genere remunerabitibus. Loth enim periculo illos, quod suo iudicio imminebat, si in publico manerent, educere satagebat: ipsi autem illum certissimo incendijs, quod impendebat, discrimini subduxere. Neque enim misericors Dei nostri corporati potest, misericordem in alios perire.

### §. II. Omnia rerum publicarum ad duas præcipias reducio.

ED Tractatum hunc tandem concludamus, vniuersas cum S. Augustino Republicas & ciuitates mundi ad duas primarias, & eminentiores reuocando, unam cælestem, alteram terrenam; unam Ierusalem, alteram Babylonem. Prima est fidelium congregatio, in Dei amore, usque ad Iupitri respectum fundata, duabus nitens columnis sive basibus: veritate & virtute; fide & charitate; Christi & Ecclesiæ communes & proprias cuiusque officij seruans leges: opera adhæc misericordia exercens e modo, quo in præcedentibus declaratum est capitulis, & latius in sequenti Tractatu deducetur. Altera est peccantium si improborum & colluuiis proprio amori usque ad ipsius Dei contemptum innixa, a concupiscentiam carnis, concupiscentiam oculorum, & superbiam vitæ effrenatè consuetans, ideoque leges & opera iustitia & misericordia conculcans. Et quamvis duæ haec Resp. & ciuitates ita in hac vita sint mixtae, nam mare mundi huius & b. Sagena Ecclesiæ Catholicæ bonos simul & malos pisces comprehendit, & c. in agro, & area terræ huius permistum est triticum cum Zizaniis, & granum cum palea: in die tamē iudicij vniuersalis Christus Rex æternas diuisione illos aeternas separabit & iustorum Rempublicam dstatuet a dextris suis inter Angelos, eosque laudas à fide-

Nunc mix-  
ta posse fecer-  
nentur.

Sit mem-  
brum vi-  
uum.  
d Ap. 18. 4.

Sit bonus  
inter malos  
2 Petr. 27

ajunctu*m*isericordia, & coram vniuerso mundo honorans, per sententiam pubblicam illis attribuet regnum cœlorum, ob præstata opera misericordia, & impleta opera iustitia & mox tradet illis cœlestis Ierusalem possessionem, hoc est cœli Empyrei: vbi imponet illis gloria coronam, quam sancta sua vita fuerunt promeriti. Iniquorum verò Remp. statuet ad sinistram suam, in societate Dæmonum, eos despiciens, & ad ignes æternos condēnans: eo quod nec diuina præcepta seruauerint, nec misericordia opera erga egenos præstiterint. Ac proinde in momento eos in æternam inferni Babylonem præcipitabit, vbi pœnas æternas iuant, quas peccatis suis fuerunt promeriti: cùm igitur Christus D.N. membrum te Christianæ Reip. fecerit ciuemque Ecclesiæ suæ: supereft, vt studeas esse membrum viuum; ciuiusq; perfectus; & principalis pars cœlestis ciuitatis, d *exiens* ( vt vox cœlestis dixit ) de Babylone, ne particeps fias delictorum eius; & de plagiis eius non accipias; excitans quoq; te ipsum ad custodiendas omnes leges, & explendas tuas obligationes, iustus existens & misericors erga omnes.

Qv o d si talis tibi sors contigit, vt in aliqua ciuitate aut communitate habites, tot peccatoribus plena, quæ tanquam altera Sodoma, ob sua sceleraigne cœlesti exuri mereretur: debes in ea versari tanquam alter Loth, de quo S. Petrus: quod aspectu & auditu iustus esset, habitans apud eos, qnū de die in diem animam iustam iniquis operibus cruciabant. Quitamen remotissimus erat ab illorum imitatione; cùm potius perpétuò vigilaret & attenderet, vt bono eis esset exemplo, & omnibus benefaceret: quod si & tu feceris, liberabitte Dominus sicut ipsum Loth, ab ea oppressione & angustijs in quibus versaris: & in nouissimo Iudicij die tē cum summo honore ad suā dextram collocabit; facietque perpetuum cœlestis Ierusalem habitatorem & ciuem viuamque sancti sui templi columnam, cum gratiarum ac donorum excellētia, quam ceteræ columnæ significabant, sedentem cum ipso Christo D.N. in throno gloriæ suæ, eiusque dulcissima præ-

sentia fruentem in æterna sæculorum  
ſæcula, Amen.



TRACTA-